

婦科胎產經驗良方

2

有中醫藥學會書發

編號 11-253 $\frac{2}{4}$

胎產輯萃卷之二

新安汪嘉謨至言纂輯

同懷弟嘉訓近光

叅訂

同宗弟朝綱振三

子腫

妊娠之人經血壅閉以養其胎或挾水氣水血相搏致
身體腫滿皆由脾胃虛弱臟腑之間宿有停水之挾故
謂子滿若水停不去浸漬入胎則令胎壞診其脉浮腹
滿兼喘者此胎必壞也

產寶論曰夫妊娠腫滿由臟氣本弱因產重虛土不尅水散入四肢遂致腹脹手足面目皆浮腫小便秘澀陳無擇云凡婦人宿有風寒冷濕妊娠喜腳腫俗呼爲皺腳亦有通身腫滿心腹急脹名曰胎水

論曰凡妊娠之人無使氣極若心靜氣和則胎氣安穩若中風寒邪氣及有所觸犯則隨邪而生病也凡妊娠經血壅閉以養胎若忽然虛腫乃胎中挾水水血相搏脾胃惡濕主身之肌肉濕漬氣弱則肌肉虛水氣流溢故令身腫滿也然其由有自或因泄瀉下痢臟腑虛滑

耗損脾胃或因寒熱瘧疾煩渴引飲太過濕漬脾胃皆能使頭面手足浮腫也然水漬於胞兒未成形則胎多損壞及其臨產月脚微腫乃胞藏水少血多水出於外故現微腫則易生也宿有寒氣因寒冷所觸故能令腹脹腫滿也

產乳集論妊娠自三月成胎之後兩足自脚面漸腫腿膝以來行步艱辛以至喘悶飲食不美似水氣狀至於脚指間有黃水出者謂之子氣直至分娩方消此由婦人素有風氣或衝任經有血風未可妄投湯藥亦恐大

段甚者慮將產之際費力有不測之憂故不可不治於未產之前也古方論中少有言者按名醫錄宋少主元徽中與徐文伯微行學鍼法文伯見一妊婦足腫不能行少主脉之此女形也文伯診之曰此男形也在左則胎黑色少主怒欲破之文伯惻然曰臣請針之胎遂墮男形而色黑此妊娠足腫之說見於前者今巢氏病源中但有子煩之論千金并產寶方亦畧言之劉禹錫續傳廣信方以爲妊婦有水氣而成胎太平聖惠亦言之皆非也元豐中淮南陳景初名醫也獨有方論治此病

方名初謂之香附散李伯時易名曰天仙藤散也

薛前證若胸滿腹脹小便不通遍身浮腫用鯉魚湯
脾胃虛弱佐以四君子若面目虛浮肢體如水氣用全
生白朮散如未應用六君子湯若腿足發腫喘悶不安
或指縫出水用天仙藤散脾胃虛弱兼四君子湯如未
應用補中益氣湯若脾肺氣滯用加味歸脾湯佐以加
味逍遙散

一妊婦每胎至五月肢體倦怠飲食無味先兩足腫漸
至遍身後及頭面此是脾肺氣虛朝用補中益氣夕用

六君子加蘇梗而愈凡治妊娠母泥月數但見某經證
卽用本藥爲善

一妊婦年三十八妊娠水腫以鯉魚湯加五苓散人參
濕加蒼朮一錢厚朴陳皮五分蘿蔔子炒車前子滑石
各一錢作一貼若喘急加苦葶藶小便不利加木通燈
草甚者車前子瀦川散其濕毒自消防已治腰以下濕
熱腫如內傷胃弱者不可用也

金鑑 頭面四肢腫子腫自膝至足子氣名腫脹喘滿

曰子滿但脚腫者脆皺稱註頭面遍身浮腫小水短少

者屬水氣爲病故曰子腫自膝至足腫小水長者屬濕
氣爲病故名曰子氣遍身俱腫脹而喘在六七個月時
者名曰子滿但兩腳腫而膚厚者屬濕名曰皺腳皮薄
者屬水名曰脆腳大凡水病多喘促氣病多脹滿喘促
屬肺脹滿屬脾也兒未成形被水浸漬其胎多損成形
尚可調治故在五六月後有是證者每多生育也
產寶 妊娠腳腫者非水氣之比也妊娠至八月間腿
腳腫者不可爲水病治之導其真氣見此腫者知其易
產也蓋胞臟水血俱多不致胎燥故云易產也當服順

氣滑胎之藥若初妊而腫者是水氣過多也兒未成體故壞胎也

張石頑曰妊娠通身浮腫胸脇不分或心腹急脹名曰胎水千金鯉魚湯有妊娠腹脹服前湯三五劑大小便皆下惡水腫消脹去遂下死胎此證蓋因懷妊腹大終不知胎水之爲患也

天仙藤散

天仙藤

洗畧炒

香附

炒

陳皮

甘艸

烏藥

不必天台者但得軟自辛而香者良

右等分淨秤爲細末每服三錢水一大盞薑三片木
瓜三片紫蘇三葉同煎至七分放溫澄清空心食前
服日三服小便利氣脉通體輕腫漸消更不須多服
茯苓導水湯

茯苓

栝榔

猪苓

縮砂

木香

陳皮

澤泄

白朮

木瓜

蘇梗

大腹皮

桑白皮

各等分

右加薑煎服

脹加枳殼

喘加葶藶

腿脚腫加

防已

崔氏療妊娠體腫有水氣心腹急滿

茯苓

白朮

各四兩

旋覆花

一兩

杏仁

黃芩

各三兩

右細切以水七升煮取二升半分溫三服忌桃李雀

肉酢物

療妊娠遍身洪腫葶藶子散

葶藶子

一兩

白朮

五兩

茯苓

桑白皮

郁李仁

各二兩

右爲粗末水六升煮取二升分三服小便利卽瘳

澤瀉散 治妊娠氣壅身體腹脇浮腫喘急大便不通

小便赤澀宜服

澤瀉

木通

桑白皮

赤茯苓

枳殼

枳櫛

各一錢半

右作一服水二鐘生薑五片煎至一鐘食前服

防已湯 治妊娠脾虛通身浮腫心腹脹滿喘促小便

不利

防已

一錢半

桑白皮

赤茯苓

紫蘇莖葉

各二

錢

木香

五分

右作一服煎服法同前

千金鯉魚湯 治妊娠腹大胎間有水氣

白朮

五兩

茯苓

四兩

當歸

芍藥

各三兩

右細剉片以鯉魚一尾修事如食法煮取汁去魚不用每服四錢入魚汁一盞半生薑七片橘皮少許煎至七分去滓空心服集驗同

腎著湯 治妊娠腰脚腫

茯苓

白朮

各四兩

乾薑

甘草

各二兩

杏仁

三兩

右咬咀每服四錢水一盞半煎至七分食前服

指迷五皮散 治胎水尋常脾虛腫滿亦治

大腹皮

桑白皮

生薑皮

茯苓皮

橘皮

各等分

右咬咀每服半兩水二盞濃磨木香水一呷同煎至八分去滓空心溫服亦治男子脾虛腫滿

治妊娠兩腳浮腫名曰脆腳因脾衰不能制水血化成水所致用生料平胃散薑棗水煎服或爲末紫蘇葉湯調下

全生白朮散

治妊娠面目虛浮如水腫狀

白朮

一兩

生薑皮

大腹皮

茯苓皮

陳皮

各半兩

右爲細末每服二錢米飲調下不拘時

子和治妊娠從脚上至腹腫小便不利微渴豬苓五兩
爲末以熟水服方寸匕日三服

丹 子腫多濕用山梔一撮米飲吞下

腹內鐘鳴

大治孕婦腹內鐘鳴用鼠窟前後土爲細末研麝香酒調下二錢其產婦立愈

補遺治孕婦腹中兒哭用川黃連濃煎汁令母常呷之

薛按產寶云小兒在腹中哭其治法亦用空房中鼠穴土或黃連煎濃汁飲之卽止想卽是證又云臍帶上疣瘡兒含口中因妊婦登高舉臂脫出兒口以此作聲令妊婦曲腰就地如拾物狀仍入兒口卽止然黃連性

寒麝香開竅當酌量用之

積聚

黃帝問曰婦人重身毒之何如岐伯曰有故無殞亦無殞也帝曰願聞其故何謂也岐伯曰大積大聚其可犯也衰其大半而止過者死

至真要論

丹 血塊如盤有孕難服峻劑此方主之

香附子

醋煮四兩

桃仁

去皮尖一兩

海粉

醋煮二兩

白朮

一兩

右爲末麪糊丸服